



# Njîra ya gwîta Kîrî Mûrungu



©2004, Rose Stair Goodman. Cover art, Edwin B. Wallace. Meryl Esenwein, art above and on pages 10, 12, 14, 16, 27, 29, 39, 41, 42, 44, 46, 47, and 48.

# MÛRUNGU OOMBIRE NTHÎGÛRÛ NA 1 BIÛMBE BIONTHE

**“O mbere kiambiririene Murungu oombire matune na nthi.”** –Kiambiriria 1:1

**“Into bionthe nabio bioombirwe ndene yawe, biria biri Iguru.”** –Akolosai 1:16a

**“Buri baatharime ni Mwathani, Uria woombire Iguru na nthi. Iguru riongwa ni ria Mwathani; Indi nthiguru naete aana ba antu.”** –Zaburi 115:15, 16

Nthîgûrû yaarî ïnjega buru rîrâ Mûrungu amînenkanîre kîrî mûntû. Thoma gaku gaka ûcionere ûrâ gwakarîre.

# MÛRUNGU NÎWE WAATÛMBIRE



**“Murungu aracoka arauga atiri, ‘Tuumbeni muntu  
ari mung’uanano jwetu, akari o uria tukari; aathage  
makuyu ja iria [rwatho] ... igiitaita nthi iji.’”**

—Kiambiriria 1:26a

# MUNTÛ NI AERE KÎUMBÉ KÎRÎ MWOYO 3

“Igita riu Mwathani Murungu aroomba muntu na muthe-tu jwa nthi, aramuugira miruki ya mwoyo na ikutho bia nyiuru; muntu uu nawe araa muntu uri mwoyo.”

—Kiambiriria 2:7

“Ningi Mwathani Murungu arauga atiri, ‘Butibui muntu akara ari wenka; nkamuthithiria mumutethia uria ukaaganira nawe.’ Igita riu Mwathani Murungu aratuma muntu uu agwatwa ni toro inene mono, na aamaama, aramurita rubaru rumwe, aracokaniiria nyama kairi aria rwari; na rubaru ruu Mwathani Murungu aaritire muntu uu araruthithia ruraa muka; muka uu nawe **Mwathani aramwikia kiri muntu uu.**”

—Kiambiriria 2:18a, 21, 22

\*Mwoyo jûrî ûtuuro nî ta kuuga tukethîrwa turi antu’ana kenya na kenya.

# ADAMU NA EWA KÛREGA BWA MÛRUNGU



Tûtibwîrîte kwathîkîra kaju ga nkoma.

“Mwathani Murungu nawe arajukia muntu uu oombite, aramwikia muundene jwa Edeni atue kuriaga ngugi ku, na akijukaragia. Mwathani Murungu araatha muntu uu aramwira atiri, ‘Mithemba yonthe ya miti iji iri muundene nwitikiritue kumirijaga; no-ri, ruciara rwa muti juria jumenyithanagia wega na ui ukororia, tontu ntuku iria ukaria ruciara rwaju-ri, ni mma ugakua.’”

—Kiambiriria 2:15-17

NJOKA IRIA ÎTAGWA KAIRI NKOMA YAAREGÎRE KUUMBURA ÛNENE BWA MÛRUNGU, ÎRAARIA URONGO.

“Njoka iu nayo ireera muka atiri, ‘Ari tiu, butikua.’ Muka uu nawe riria oonere ati muti juu ni jumwega jwa kuriwa, na ningi jwari jumuthongi jukionwa, ningi ni-jwendagwa untu bwa kuumiyia muntu, aratua itunda ... araria; ningi ararumia murumewe, murume ... araria.”

—Kiambiriria 3:4, 6

## 6 ADAMU NA EWA BAATOMBIRE GÛKARA MUUNDEENE JÛÛ KAÎRÎ



**"Nikio giatumire Mwathani Murungu amwinga muundene juu jwa Edeni, atua kurimaga nthiguru iria aaritirwe... ningi areeka akerubi rutere rwa gaiti rwa muunda juu jwa Edeni, na ruciu ruria rwakengakengaga, ningi rwagarukaga rukierekagira ntere cionthe, rwa gukaragia njira iu yeetaga mutine jwa mwoyo."**

—Kiambiriria 3:23, 24b

# NTUKÛ IRÎA ADAMU NA EWA BEEÎRIE, YAARI NTUKÛ YA KIEBA MONO

7



“...buu mantu jakari atiri, untu bwa uria meeyia jaatonyere  
nthi yonthe ni untu bwa muntu umwe, na gikuu kireeja na njira  
iu ya meeyia, na gikuu kiu kiratungana antu bonthe ....”

—Aroma 5:12

## Üntû bwa Kûririkana

O muntû **wonthe** aciaragwa na wîyia bwa kaumô na ntukû  
îmwe agakua nîntû gîkuû **kiaareterwe nî wiyia.**

(Thoma Aroma 5:12 Kater.)

## **8 MÛBANGO JWA MÛRUNGU NÎKENDA ATÛKÛÛRA WÎYIENE NÎ GÛTÛTÛMÎRA MÛTAANA WAAWE**



**“Nawe agaciara kaiji,  
nagwe ugageeta riitwa  
riako JESU, nikwithirwa  
niwe ukoonokia antu bawe  
meeyiene jao.”**

Kenda aa ûmwe wa antû,  
Mûtaana wa Mûrungu nî  
eejire ta mwana wa muntû.

—Mathayo 1:21

**“Tontu ndene ya Kristo niku muujuri jwa Umuru-  
ngu jutuuraga ki-umwiri.”**

—Akolosai 2:9

# JESÛ NÎ MÛRUNGU — ARI NA MÛKARIÎ 9 JWA MUNTÛ

“O mbere kiambiririene Ruteto irwari o, na Ruteto rwari kiri Murungu, na Ruteto rwari Murungu. Ruteto ruraa muntu, aratuuranira [atuuřre] **natwi**, oojuritwe ni utugi o na mma.”

—Johana 1:1, 14a

“Nari, mantu jau jaakarite uu nikenda nteto iria ciari-rue ciûjûra: Tegeni! mukenye agakamata na agaciara kaiji, Nabo bagageeta riitwa riako Imanueli; Nario rikigarurwa niri, Murungu amwe natwi.”

—Mathayo 1:22a, 23

“Ni untu-ri, twi nituciariri mwana, twaewa mwana wa kaiji; nabu wathani bugakara gituro kiawe; na riitwa riawe ageetwa Murigarania Mugambi, Mweneinya Murungu, Baaba wa kenya na kenya, Munene wa thiiri.”

—Isaya 9:6

# JESÛ KRISTÛ — KÎGONGOANA GÎKÎEGA BURU

**“...nawe naatumire uria utaiji wiya ....” –2 Akorintho 5:21**



**“Nawe guti wiya.” –1 Petero 2:22a**

Gutî kîgongoana (kîeewa) muntû oomba kûrita gîkiega BURU kîumbâ kûangûra meeyia.

**“Ni unto jatumba kwebua ni  
tharike ya ndegwa kana ya mburi  
kinya atia.”** –Ahibirania 10:4

Jesû nî gatûrûme ka Mûrungu. **“Tegeni Kang’ondu ka Mu-  
rungu karia keebagia wiya bwa kirindi!”** –Johana 1:29b

# JESÛ AAEJANÎRE ÛTÛÛRO BWAWE 11 KENDA ATWONOKIA

Jesû aambîrwe mutharabene nîuntû antû babathuuku nî bamûthûûrîte. Indî gîkuû kiaawe kiarî mûbango jwa Mûrungu. Jesû na kwenda kwaawe wengwa mwene, nî ooragirwe nîkenda atwonokia—gwe na uni kuuma meeyieene jeetu.

Jesû aaugire atiri, “**Guti muntu [ûtûûro bwaakwa] untunyikia ju; nini nkajurekeeria ningwa. Ndi na watho bwa kujurekeeria, na ningi ndi na watho bwa kwija kujujukia kairi.**” –Johana 10:18a

## TWONOKERUE NA THARIKE YA GATÛRÛME KA MÛRUNGU

“...Ibwiji ati kiria kiabukuurire [gukuurwa] bugitigana na mantu ja ruugo, jaria bwathithagia riria bwaritani ni bojugu... indi ni tharike ya goro mono ya Kang’ondu karia gati igi, kana no gatumba, tayo tharike ya Kristo.”

–1 Petero 1:18, 19

## GÛTÎ KÎGONGOANA KÎNGÎ KÎUMBA KWANGÛRA MEEYIA

**12** “Niuntu bwa uria tutaritwe [Gûtarwa tûrî babagîru] ati turi babaagiru ndene ya tharike yawe, nou tukoonokua kiri muthuuro jwa Murungu ndene yawe.” –Aroma 5:9b

“Jesu ndakwerenca wije undiikane riria ukeeja kujukia unene bwaku.” –Luka 23:42b

Mwamba  
ûjû eeti-  
kirîe  
Jesû na  
aarono-  
ka.



“Ni mma  
narua iji  
ugakara amwe  
nani kuria  
Paradise.”  
–Luka 23:43b



“Ni ati riria twari eeyia [kurega kwaathîkîra Mûrungu] **Kristo** naakuire ni unto bwetu.” –Aroma 5:8b

# BONTHE BARÎA BEETIKAGÎA MÛTAANA 13 WA MÛRUNGU BAARÎ NA ÛTÛÛRO

**“Tontu bwa uria Murungu eendere  
kirindi kia nthiguru, naaritire Mutanowe-  
wa-mumwe, nikenda muntu kinya uriku uria  
ukamwitikia atikeeje kuura, indi eeje agite mwoyo  
jwa kenya na kenya.”**

—Johana 3:16

**“Nawe nowe watutunyukirie turauma inyene ya mugu-  
ndu, aratuma (kûthaamua) twita gukinya unenene bwa  
Mutanowe uria eendete mono; nawe aratukuura, aratu-  
ma meeyia jetu jeebua.”**

—Akolosai 1:13, 14

\*Gûkûrwa nî ta kuuga kûgurwa kairî kuumâ kîrî muntû ûrîa  
waakûgûrîte.



**“Indi muraika aracokia  
areera aka, Bugakirenibwi;  
nikwithirwa nimbiji  
ni Jesu bugucwa, uria  
uraambi mutine iguru.  
Ati aja; nikwithirwa na-  
riukite, o ta uria augire.  
Njuuni, buraithe antu  
aria Mwathani wenu  
aramaami.” –Matayo 28:5, 6**

# JESÛ ARIÜKIRE KUUMA KÎRÎ AKUÛ

15

“Nini uria utuuraga mwoyo; na nini ndakuite, na atiri, nini uju ntwire mwoyo kenya na kenya; na mbunguro ndi nacio cia kurugura gikuu.”

—Kugwurirwa 1:18

“Na tontu ndi mwoyo kinya bwi bugatuura mwoyo.”

—Johana 14:19b

Tûtiagîrîte gûkîra gîkuû kaîrî tontû Kristû nî acindîte gîkuû na arî na rûbungûro rwa gîkuû.

“Ntuku iria nguaite, Nogwe ngutua gwitikagira.” —Zaburi 56:3

## JESÛ OOMBA GUKWONOKIA NA NI AKÛROMBAGIRA

“Indi We, tontu bwa uria atuuraga kenya na kenya, gutirio agatigira muntu ungi ngugi iu yawe ya kuthinjira Murungu... bwa mantu jau, oomba kwonokia antu [Buru] mma baria batengagiiria Murungu bakurukiirite kiri We, ni uria We atuuraga mwoyo ntuku cionthe akibarombagira [kwerencanîira].”

—Ahibirania 7:24a, 25b

# 16 NI NA GWE TWOMBA KWONA ÚTÛÛRO BWA KENYA NA KENYA

Nî njîra îrîku wîtîrîte?

Jesû Kristû nîwe NJÎRA ya ÚTÛÛRO bwa kenya na kenya bûrîa bûrî na Mûrungu.

Nayo nkoma (Shetani) nîyo njîra ya GÎKUÛ gîtîthîraga.



Kaana gaka nî kathuurîte ûntû bûbwega bwa ûtûûro bwa kenya na kenya.

“...Thuureni bwingwa ntuku iji ya narua uria bukaa-thikagira . . .”

—Joshua 24:15

“Tontu buu ithuurireni mwoyo, nikenda bwi na nciarwa cienu bugatuura mwoyo.” —Kuriikanithia Maathana 30:19b

## JESÛ NÎWE NJÎRA YA ÛTÛÛRO BWA KENYA NA KENYA

“Na wonokio butionora kiri ungi kinya uriku; ni untu ri, guti riitwa ringi kinya ririku guku nthi, riria rieei antu, riria riagirite ria gutwonokia.”

—Mathithio 4:12

“Ni, O Ni, nini Mwathani, na guti mwonokia ungi nku-ruki yakwa.”

—Isaya 43:11

# 18 NÎKÎ TONTÛ TÛAGÎRÎTE KÛTHUURA JESÛ KETHÎRA NÎ TÛKWENDA ÛTÛÛRO BWA KENYA NA KENYA?



*1. Nî Kristû wejiire.*

“...Ni mbijite nikenda antu bagita mwoyo....”

—Johana 10:10

*2. Nî Kristû watweendere na arakua nîuntû bweetû.*

“Mutana wa Murungu uria wampenderé, arairekeeria ni unto bwakwa.”

—Agalatia 2:20b

Jesû aeere muntû-mwîrî na mwoyo ta ûrîa tûkari, “**nikenda na njira ya gukua ee-**

**nyangia uria wari na inya ya gikuu, nawe ni Nkoma; 19  
na kairi nikenda oonokia bonthe baria batwire  
ukombone matuku jao jonthe.” –Ahibirania 2:14b, 15**

**3. *Nî na njîra ya tharike ya Jesû tûmba kwonokua kuu-  
ma meeyieene jeetû.***

**“Nikwithirwa tharike no yooroagiria [kûrekerwa] ni untu  
bwa mwoyo juria juri ndene yayo.”**

–Mantu Ja Alawi 17:11b

**“Tharike ya Jesu Mutanowe nithambagia wiyia bwetu  
bunthe.” –1 Johana 1:7b**

**“Nawe aratukuura [aratwonokia], aratuma meeyia jetu  
jeebua.” –Akolosai 1:14**



#### *4. Nî Kristû wariukîre kuuma kîrîakuû.*

**“Tukimenyaga ati Kristo ati-korocoka gukua kairi, ni untu naariukirue arauma akuune, na gikuu nakio gitigacoka [rwa-tho] kumwatha kairi.”**

—Aroma 6:9

**“Na ningi-ri, aakuire antu a kiri-ndi kionthe, nikenda antu baria batwire mwoyo batigakare bakithuganagia mantu jao bongwa, indi nkuruki bakare bakithuganagia mantu ja uu wabakuiiriire, na aracoka kuriuka, arauma kiri akuu.”** —2 Akorintho 5:15

Jesû aaugîre atîrî: **“Tontu ndi mwoyo kinya bwi bugatuu-ra mwoyo.”** —Johana 14:19

**5. No mwanka twîthîrwe tûrî na Roho wa Kristû 21  
ndeene yeetu nî kenda tûriûkua ûtûûrone** (bwa kenya  
na kenya).

**“Kristo uria uri ndene yenu, mwene wirigiiro bwa  
mwago.”** –Akolosai 1:27b

**“Indi-ri, gukeethirwa Kirundu wa Uria wariukirie Je-  
su, aramurita kiri akuu, natuuraga ndene yenu, uu wa-  
riukirie Kristo Jesu, arauma kiri akuu, agatuma [mwone-  
kere] miiri yenu iji ikujaga igite mwoyo, na unto bwa Ki-  
rundu wawe uria utuuraga ndene yenu.”** –Aroma 8:11

## **Î THÎRWA ÛRÎ NA MMA ATI ROHO WA KRISTÛ NI ATUURAGA NDEENE YAAKU**

**“Muntu kinya uriku ureethirwa ati na Kirundu wa Kri-  
sto, uu ti wawe buru [tî wa Kristû].”** –Aroma 8:9b

**“Nawe aratujukia  
njarene ciawe  
aratutharima,  
aturiikiirite njara  
ciawe.”**

–Mariko 10:16



**“Jesû nî ampendete. Nî mbijî bûu nîûntû Bibilia nî îkûmbîra uu.”**

**“Indi Jesu aratwita twija kiriwe, arauga atiri, ‘Reke- 23  
ni twana tunyi twije kirini, bugatukaania: nikwithi-  
rwa unene bwa Murungu ni bwa baria bakari ta tutu.’”**

—Luka 18:16

**“Uu no u kinya Abagu wenu uria uri Iguru atiendaga  
kinya kaana kamwe ga tutu tuniini kaura [kathirua kana  
kaura buru].”**

—Mathayo 18:14

Kinya ûkethirwa ûrî uu kana uumîte uu, Jesû nî akwee-ndete na aakuire nîûntû bwaaku. Jesû nî akwenda ûmwenda kinya gwe. Woomba kwonania ati nî ûmwendeete.

**“Bukeethirwa bumpendaga, menyagiireni mawatho ja-kwa.”**

—Johana 14:15

**“Kinya mwana naimenyithanagia na mathithio jawe.”**

—Njuno 20:11a

## 24 ÚRÎA ÚUMBA KWONA NJÎRA YA GWÎTA KÎRÎ MÛRUNGU

1. *Itikîrîa urî mwîyia* (ona mpiji 7).

“Ni untu antu bonthe nibeitie na bararemwa ni gukinyira mwago jwa Murungu.”

—Aroma 3:23

2. *Ita kîrî Mûrungu na njîra ya Jesû Kristû.*

“Ni untu Murungu ni umwe, o na mwigithania wa Murungu na antu no umwe nawe wengwa ni muntu, na niwe Kristo Jesu.”

—1 Timotheo 2:5

“Tontu bwa mantu jau, [Jesû] oomba kwonokia bonthe baria beetaga kiri Murungu bakurukiirite kiri We.”

—Ahibirania 7:25a

Jesû aaugîre atîrî: “Muntu uria ukeeja kirini gutikio gigatuma [mugeera] muta.”

—Johana 6:37b

### **3. Irire meeyia jaaku.**

(kwirira nî ta kuuga gûciîtia gûciathûrana na meeyia.)

**“Ni unto bwa jau irireni, bugaruke nikenda meeyia jenu jaangurwa.”**


—Mathitho 3:19a

**“Mwathani wetu . . . nikwithirwa [gweeteera ûkiri] atiendaga kinya muntu umwe wenka aura, nonga buria eendaga ni ati antu bonthe bairire.”**

—2 Petero 3:9b

### **4. Umbûra meyia jaaku kîrî Jesû.**

(Kumbûra nî ta kuuga kwira kana gwîtikîria gûtiga meeyia.)



**26** Andîka mîcitarîne iu îrî muuro au gacigo ka Johana 1:9a karia kari njareene ikûromba au mpîji 25.

---

---

---

---

### **5. *Tigana na meeyia jaaku.***


(Gûtigana nî ta kuuga “kurekana najo, ujatige buru.”)

**“Uria withaga irema riawe atikatharimwa, indi uria uumburaga meeyia jawe ria kujatiga akaigigiirua kiao.”**

—Njuno 28:13

**“Ebagira uthuku, uthithagie wega.”**

—Zaburi 37:27a



## 6. *Îtîkia Jesû Kristû.* 27

**“Ukeeja kuumbura na kanyua gaku ati Jesu niwe Mwathani, na gwitikia ugeetikia na nkoro yaku, ati Murungu naamuriukirie arauma kiri akuu ukoonokua.”**

—Aroma 10:9b

**“Nikwithirwa-ri, bwonoketue na utugi ni unto bwa gwitikia, na-ri, . . . indi ni kiewakia Murungu; nakio kiewakiu gitionoraga ni unto bwa mathithio kinya jariku, nikenda muntu kinya uriku atikeeje gwikumia.”**

—Aefeso 2:8, 9

**“Itikira Mwathani Jesu, na ukoonokua, gwe gwengwa, o na antu ba nyomba yaku.”**

—Mathithio 16:31b

## 28 7. Amûkîra Jesû Kristû ndeene ya nkoro yaaku na ûtûroone bwaaku.



Gwe no gwe ûumba kûrugûra murango jwa nkoro yaaku na ûgeeta Jesû akûrûka ndeene. Jesû aaugîre, “**Atiri, ni ndungi mwarine nkiringaringaga, muntu kinya uriku akeeja kwigua kaju gakwa akarugura mwari, ngakuruka kiriwe, ndijanire nawe, nawe arijanire nani.**”

—Kugwurirwa 3:20

“**Na bonthe baria baamwambi-riirie, tabo baria beetikitie rittwa riawe, bau nibo eetikiire bae aana ba Murungu.**” —Johana 1:12

# IROMBA RIA GÛTONGERERIA (MUNTÛ) 29

Kethira utaromba kairi mbereene û na nî ukwenda ûteethio bwa ûria kûrombagwa, thingata iromba rîrî rîthigatîte ja kioneeria:

**Mwathani Jesû ûmwende,**

Nî bwega nîntû bwa gûkua  
gwaaku mûtharabene kenda ûtha-  
mbia meyia jaakwa. Nî nkowirira nîntû  
bwa meeyia jaria jonthe nthithi-  
tie. Ni ngukuromba gwe wije ndeene  
yaakwa na ûtûre nkoroone yaakwa  
kenya na kenya. Ningwitikia nandî  
ûkûthambia nkoro yaakwa buru. Ni  
nkûmenya gwe ûrî Mwathani na  
Mwonokia waakwa wengwa.

**Ndiroomba rîtweene riaaku. Acia.**



## **30 URI NA JESÛ NKOROONE YAAKU ÛRÎ NA ÛTÛÛRO BWA KENYA NA KENYA**

**“Ati Murungu natweete mwoyo jwa kenya na kenya, na  
mwoyo juju niju juri ndene ya Mutanowe. We uria uri na  
Mutana ari na mwoyo.”**

– 1 Johana 5:11b, 12a

**“Muntu uria wigagua nteto ciakwa na ageetikia uria wa-  
ntumire, ... nathiritie kuuma gikuune aakuruka mwoyone.”**

–Johana 5:24b

Rîrîa ûgakua, ukethîrwa uri mbere ya Mwathani. (2 Akorintho 5:8). **“Takio Kristo uria uri ndene yenu, mwene wirigiiro  
bwa mwago”** (Akolosai 1:27b).

Kethîra nî ûrîtie Jesû akûrekeere meeyia jaaku, na wetîkia atî  
Mwathani Jesû Kristû nî Mwonokia waaku andîka riîtwa rîaaku  
aja mûuro:

# ÛRÎA MUNTÛ ABWIRI KÛTHINGATAGA JESÛ 31



Thoomaga tûcigo twa Bibilia Tayo Ruteto rwa Mûrungu ntukû cionthe na ûtwîke nkorone yaaku na kuggaga na mûtwe tûcigo tûrîa ukwiguia nî tuguguteethia.(Tutwingi tûrî gaukune gaka kaniini).

**“O ruteto runthe ruria ruri Maandikone, ruria rwekirwe ni Murungu nkorone ya muntu uria warwandikire, niru kiguni gia kurtana antu nakio, [kîria wîtîkîtie] na gia kumenyithagia antu wiya bwao, na gia kubakaanagia, o na gia kuboonagiiria beetage na miltire iria yagirite ya wagiru.”**

–2 Timotheo 3:16

## AARAGIA NA JESÛ NA NJIRA YA MAROMBA ÎGIITA RIONTHE



**Cookeria Jesû nkatho** nîûntu bwa mantû jaria meega jonthe ja ûtûûro. **Mûkumagie** nîûntû bwa ûrîa akûthithirîtie na nîûntû bwa kwonokia mwo-  
yo jwaaku. **Romba nîûntu bwa ûbatû buria bun-**  
**the wîthitîkua ûrî nabu.** Romba Riîtweene rîa Jesû.

“... Ati kethira tukamuromba untu kinya bu-  
riku buria bwagirite methone jawe, agatuthi-  
kiira.” –1 Johana 5:14b

“Kethira bukaromba Baaba untu, akabune-  
nkera riitwene riakwa.” –Johana 16:23b

“... Ningi burombanagire ....” –Jakubu 5:16

“Ningi rombereni baria babuthangikagia.”

–Mathayo 5:44b

# IROMBA RIRIA JESÛ AARITANÎRE ARIITWA BAAWE

33

(Mûritwa nî muntû ûrâa ûthingataga Jesû.)

Jesû eerire ariitwa baawe barombage ûjû:

**“Baaba wetu uria uri Iguru, Riitwa riaku [rîrîtheru]  
riathurwe; Unene bwaku bwije; Uria wendete gwe  
buthithague nthi iji, Ta uria buthithagua kuu  
Iguru; Utwe narua biakuria bietu bia gutung’ana;  
Uturekere marandu jetu, ta uria turekagira baria  
bari na marandu kiritwi; Nagwe ugatwikia mage-  
rione, Nonga gutwonokagie utwonokagie kiri uria  
mui.”**

—Mathayo 6:9b-13

Iromba rîrî rîbwîrî kugwatwa na mutwe. Etîkîri barombaga iro-  
mba rîrî rîmwe na rîmwe barî amwe na kaju gakanene.

**34 MAATHANA ÎKÛMI JA MÛRUNGU  
JATÛRITANAGA GÛTÛÛRA BÛBWEGA**  
(Yuku ria Kuuma, kîrambahîrî kia 20)

*Maathana ja mbere jana jegie Rwendo Rweetu kîrî Mûrungu.*

1. “Ukagita mirungu ingi kwatha Ni.”
2. “Ukaithithiria mung’uanano jwa kujiyia kana mung’uanano . . . ukabituriria maru kana ubiathikira.”
3. “Ukorogweta Riitwa ria Mwathani Murungu waku utheri na ruugo.”
4. “Riikanaga Ntuku ya sabatu umitue intheru.”

*Ja Mûthia Jatantatû jegie Rwendo Rweetu na Antû.*

**5. “Ikagiira abagu na nyakwe.”**

**6. “Ukorooragana.”**

**7. “Ukorothungiira.”** (ûthûngîri nî kûthithia mantu ja utheria na muntû ungi uguri kana ugureene.)

**8. “Ukoroiyia.”**

**9. “Ukorotwiriira mutuuri waku ukuuji bwa urongo.”**

**10. “Ukoroiririiria . . . karia mutuuri waku arinako.”**

**KWATHIKIRA MÛRUNGU KÛREETAGA  
ÎCOKIO KÎRÎ MAROMBA JEETÛ**

**“Na o untu buria tukaromba tukaewa niwe, tontu nituthi-  
ngataga maathana jawe, na kairi nituthithagia mantu jaria  
eendaga.”**

–1 Johana 3:22

## 36 MAATHANA JAÎRÎ JARIA MANENE

### *Kweenda Mûrungu*

1. “Na Jesu aramwira, Endaga Mwathani Murungu waku na nkoro yaku yonthe, na kirundu giaku kionthe, na mathuganio jaku jonthe. Riri nirio yathana riria riri riinene na ria mbere.”

—Mathayo 22:37, 38

### *Kweenda Antû bangî*

2. “Na ria jairi iring’uanene nario, nario niri, Endaga mutuuri waku ta uria uciendete gwengwa.”

—Mathayo 22:39

Maathana jonthe ikumi (mpîji 34 na 35) jarî kîrî maathana jau jaîrî Jamonene.



# **WENDO NIRU RUNENE NKURUKI YA JONTHE**

**37**

## **Kîrambîrî Kia “Wendo” Bûbûnene**

**(1 Akorintho 13:1-8, 13)**

**<sup>1</sup>Kinya nkeethirwa mbaragia na migambo ya antu na ya araika, nani nti na wendani, nkari ta kibeere kiria kiri muruumo, kana ntuara ya kuringanua.** **<sup>2</sup>Na kinya nkeethirwa mpei uroria, na nkamenya iriga bionthe ona umenyo bunthe, na nkeethirwa ndi na witikio kinya bwa kuthamia irima, ndikwithirwa nti na wendani, ndi wa utheri.** **<sup>3</sup>Kinya [nkaeejana] nkarita into biakwa bionthe nkarera nkia, na nkarita mwiri jwakwa jugaakiirua na mwanki, ndikwithirwa nti na wendani, gutiu janguna.** **<sup>4</sup>Wendani nibu buumagiiria [bûmagîiria], bukathithagia bwega; wendani buti ruriitho, ningi butiikuma-**

**38** **gia, ningi buticiimbaimbagia; <sup>5</sup>na butiagaga nthoni, na butiicwagira untu bwabu bungwa.** Ningi buti muthuuro, **na butitaraga mathuukua;** <sup>6</sup>na batigwiragirua mateta ja bangi [ûgwaatia], indi bagwiragua ni mawega. <sup>7</sup>Wendani bugwikagira jonthé, bugeetikia jonthé, bukeerigiira jonthé, na bukoomiiria jonthé. <sup>8</sup>Wendani butinyiaga kenya na kenya; indi gukeethirwa kuri uroria, bukaura; gukeethirwa kuri migambo, ikathira; umenyo bwethirwa buri o, bukaura.

<sup>13</sup>Nandi indi kuri na mantu jathatu jaria jatwire, najo ni jaja: ni witikio, na wirigiiro, na wendani; indi buria unene kriijo ni wendani.

## MURUNGU NI WENDO

**“Murungu ni wendani; na o muntu uria utuuraga na wendani ni Murungu atuuraga nawe, na Murungu atuuraga ndene yawe.”**

–1Johana 4:16b

(mûciîne, cukurune,  
kanisene, na kunthe)



Jesû aaugîre atîrî: “**Aana  
njenu kiri antu benu,  
ukabeere mantu  
jamanene jaria uthithi-  
ritue ni Mwathani, na  
uria akwigiiritue kiao.**”

—Mariko 5:19b

## 40    URIA ÚUMBÀ KUMENYA MWANA WA MMA WA MÛRUNGU

**“Ni unto buu antu bonthe bakamenya buri aritwa bakwa,  
bwatuura bwendene.”** –Johana 13:35

**“Indi-ri, ruciara rwa Kirundu niru ruru: ni kwendana, na  
kugwirua, na ukiri, na kuumiiria [wetereeri], gutugana, kuthi-  
thaniria bwega, na gwitikania.”** –Agalatia 5:22

**“Ni unto bukeethirwa [maatia] bwi iburekagira antu bangi  
irema riao, nou kinya Abagu wenu wa Iguru akaburekagira  
kinya bwi.”** –Mathayo 6:14

### MANTU JARIA MÛRUNGU ATHWÎRE

**“Ni metho ja rambu, na ruume ruria rwaragia urongo, na  
njara iria ciiturite tharike ya muntu uti na ithukia, ni nkoro iria  
ithuganagiria na ikang’aniiria mantu ja uthuku, na maguru  
jaria jari rwiro rwa kuugia uthukune, na mukuuji wa urongo  
uria uritaga rwaria rwa urongo, na uria wandaga mbeu cia  
kurega kwiganua gatigati ka atuuri.”** –Njuno 6:17-19

“...Ni uthungiiri, na wenji [ûtheria gatîgatîne ga antû bati-gurene], na kurombaga ming’uanano, na mantu ja marogi, ona gutuma uthu,...na maruru, na kuringanagira nkan-ja,...na kwiririiria, na kwogita, na kwinaga ndwimbo iria iti-agirite, ... jangi jaria jakari ta jau. Ati antu baria bathithagia mantu jau batikoroona rugai unenene bwa Murungu.”

—Agalatia 5:19-21

“...Kana athungiiri ba arume kana ba aka,...kana aamba, kana aiririiria.”


—1 Akorintho 6:9,10a

## REKA JESÛ AKUJURIE ROHO WAAWE NA AKÛTHAMBIE WERUE

“Na bamwe benu niu bwakari; indi nibwathambirue, na nîngi buratherua [kueethua ûmûtheru]... Mwathani wetu Jesu Kristo, na ndene ya Kirundu wa Murungu wetu.”

—1 Akorintho 6:11

# ÎNCHAMARÎRO NÎ GÎNTÛ KÎRÎ O



(Thooma Luka 16:19-26.)

Îthîrwa ûrî na mma atî nî wîtîkîtie Jesû Kristû. We aakandîka riitwa rîaaku Yukuune Riaawe ria ûtûûro.

**“Na o muntu uria riitwa  
riawe riteethagirwa ria-  
ndiki iukune riu ria mwo-  
yo, neka aageragwa irie-  
ne riu ria mwanki ndene.”**

—Kugwurirwa 20:15

# JESÛ NÎWE WENKA NJÎRA YA GWÎTA KIRI MÛRUNGU

43

**“Murungu natweete mwoyo jwa kenya na kenya, na mwoyo juju niju juri ndene ya Mutanowe.” –1 Johana 5:11b**

**“Ni untu mucara jwa wiya ni gikuu, indi kiewa kiria Murungu aejanaga na magi ni mwoyo jwa kenya na kenya ndene ya Kristo Jesu Mwathani wetu.” –Aroma 6:23**

**“Uria witikagia Mutana ari na mwoyo jwa kenya na kenya; na uria utiitikagia Mutana, we atikoroona mwoyo, indi Murungu atwire athuuri niwe.” –Johana 3:36**

**“Jesu aramwira atiri, Nini njira, na nini umma bungwa, nani ndi mwoyo; guti muntu wijikia kiri Baaba atijiirite kiri.” –Johana 14:6**

# ÎKENERO NÎ GÛNTÛ KÛRÎ O



Kîrî kûguûrîrwa kwa Johana 21, we ooneere îkenero rîrieru na nthîgûrû înjeru.

**“Nawe akaangura methori jonthe jaume methone jao; na gikuu gutirio gigacoka gukara o kairi; na gutirio gugacoka kugita kieba kana kiro, kana kinya murimo; tontu mantu jaria makuru jonthe nijathiritie gukuruka buru. Nawe Uriâ utwire akaririte ruriga rwa unene arauga atiri, Mantu jo-nthe ni kujaethia nkuaethia jameeru.”**

—Kugwurirwa 21:4, 5

**“Ntuura iu yongwa yaakitwe na thaabu iria nkembuku ta kioni kiria kienagia mono. Maiga ja musingi jwa ruthingo ruu jaathongometue na tuiga twa goro twa mithemba yonthe.”**

—Kugwurirwa 21:18b, 19a

# JESÛ NÎ EETIRE KÛTHURANÎRA GÎKARO 45 NÎUNTÛ BWA BONTHE BARIA BAMWÎTÎKÎIE

“Bukaigua bubui nkorone cienu; itikieni Murungu, nani bumbitikie. Nyomba ya Baaba kuri na ituuro bibiingi; kuringi kwithirwa tiu ndingi kubwira; nikwithirwa mbitite kubuthuraniira gikaro. Nani ndeeta kubuthuraniira gikaro, ngacoka na nkabujukia bukare aria ndi; nikenda aria ndi, kinya bwi bukare o.”

—Johana 14:1-3

## ÎRA BANGI MANTÛ JA NTETO IJI NJEGA

Jesû aaugîre atîrî: “Iteni nthiguru yonthe bugatumiriirie biumble bionthe nkuma iji njega.”

—Mariko 16:15b

“Kuuna watho niku kwinyangia miyo.”

—Njuno 11:30b

## 46 WÎRANE BWA MÛRUNGU KÎRÎ AANA BAAWE

**“Ntikorokwirukira kana ngutiga kinya-ri.”** –Ahibirania 13:5b

**“Nikwithirwa akaatha araiaka bawe ni utu bwaku, Bagukaragie njirene ciaku cionthe.”** –Zaburi 91:11

**“Na gutiwe uumbikia gwitunyana njarene cia Baaba.”** –Johana 10:29b

**“Ndi amwe nabwi matuku jonthe, mwanka muthiro jwa nthiguru.”** –Mathayo 28:20b

**“Ugakira mantu kinya jariku jaria wengeerie kunyamaarua najo.... Nagwe karaga uri mwitikua mwanka gukua, nani ngakwa thiru ya mwoyo.”** –Kugwurirwa 2:10

**“Na igitâ riria ngakara mugundune, Mwathani niwe ukaa weru kirini.”** –Mika 7:8b

**“Mbiteni, nani nkabwitika.”** –Jeremia 33:3a



*Muntû wonthe akariûkua kuuma kîrî akuû.*

**“Tontu igiita rikeeja riria antu bonthe baria bari mbirirene bakaigua kaju kawe na baumagare. Baria bathithitie bwega baume bakinye kuriukene kwa mwoyo; na baria bathithagia bubui baumire bakinye kuriukene gwa kugambithua.”**

—Johana 5:28b, 29



*Baria bakuîte ndeene ya Kristû nîbo baka-riûka mbere.*

**“Na nyuma ya buu kinya twi baria tukee-thirwa turi mwoyo, baria tutigarite, tuka-jukua twikue amwe nabo matune, tugatiri-mane na Mwathani manga-nyoni; uu no u tugatuura amwe na Mwathani magiita jon-the.”**

—1 Athesalonika 4:17

# NÎATÎA JESÛ AKEEJA?



**“Atiri, neejite na matu; na o riitho rikamwona.”**

—Kugwurirwa 1:7a

Imenyeere kîrî Kristû ba ûrongo na Iroria bia ûrongo.

**“Riu muntu ureeja kubwira atiri, Keke, Kristo ari aja, kana ari naaria, bukamwitikieni. Bakeeja kubwira, Atiri, ari buurine; bugheeteni ku; Atiri, ari gikumbone, bugeetikieni.”**

—Mathayo 24:23b, 26b

## JESÛ AKEEJA NA MPWÏI ARÎ MATUUNE JA ÎGÛRÛ

**“Nikwithirwa o ta uria rweni rwenagiria o gaiti, na rukoonwa mwanka ruguru; nou kwija kwa Mutana-wa-muntu gugakara ... ikoona Mutana-wa-muntu eejite na matu ja iguru, o na inya na mwago jumwingi.”**

—Mathayo 24:27, 30b

# ZABURI YA MURITHI

(Zaburi 23)

**<sup>1</sup>Mwathani niwe muriithi wakwa; guti gantu mbagikia;**

**<sup>2</sup>Natumaga mboroga bienine biria biri na nyaki injigu, Miurone ya nduuji cia kugimura. <sup>3</sup>Nariukagia nkoro yakwa; Na agan-tongeeria na njira iria ciagirite ni untu bwa riitwa riawe.**

**<sup>4</sup>Na kinya nkeethirwa ntonyeerete muuurune jwa mugundu jwa gikuu, Guti uthuku nkira, nikwithirwa turi amwe nagwe; Thioro yaku na ruturo rwaku nibio bimboreragiria. <sup>5</sup>Umbaragira metha aria ndi, o uthiune bwa anthu bakwa; Umbonoreeretie maguta mutwe jwakwa; Na gikombe giakwa ikiujurite, kienda kuunikara.**

**<sup>6</sup>Ni-mma matuku jontha ja mwoyo jwakwa wega na kiao nibio bikathingatanaga nani; Nani ngatuuraga nyomba ya Mwathani mwanka kenya.**

The Bible text used is from the Bible in Kimeru, ©United Bible Societies, 1964. Used by permission.

---

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**

Nî gia kûeejana ûtheri—Tî gîa kwendia

[www.wmpress.org](http://www.wmpress.org)

8-18

Read booklets online or by App  
[www.wmp-readonline.org](http://www.wmp-readonline.org)

2293 Kimeru (Kenya) WTG

